



DEO OPTIMO MAX.

UNI ET TRINO.

VIRGINI DEI-PARÆ, ET S. LUCÆ,

Orthodoxorum Medicorum Patrono.

BIU Santé  
• Médecine  
Paris

QUÆSTIO MEDICA.

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ-nonâ  
mensis Februarii, anno Domini M. DCC. LXXXIV.*

M. JOANNE-ARMANDO ROUSSIN DE MONTABOURG,  
Doctore Medico, Præsidente.

*An Canceri curatio remediis attenuantibus tentanda?*

I.

CONSTANTI & universali harmoniâ gaudere nequit animalis Œconomia, nisi fluidorum actio in solida, & solidorum in fluida reactione sint ordinatæ. In illis absolute requiritur quædam mollities, flexilitas, elaterium; in hisce verò fluiditas nec-non unctuositas convenientes; ita ut



inflaminatâ quâdam harumce qualitate, corporis nostri functionum deturbetur ordo, humoresque in vasis stagnent, ut patet ex suppressis menstribus, hæmorrhoidibus, aut post acerbos mœrores, melancholiam, ictus, non modò anomalos, phlegmoneos, skirrhosos, scrophulosos tumores procreant, sed etiam tumores alios qui omnes facillè fieri possunt cancriosi, quique semper adaugentur, donec convenientibus remediis soluta fuerit materia obstructions efformans, & è vasis extranea, quibus ultrâ tonum distenduntur, expulsa fuerint liquida.

## I I.

**A**B omni ævo, in inquirendis causis & curatione Cancri multum insudarunt Medici. Inter se de illis non consentiebant Medici antiquiores; inter se non magis hodiè consentiunt recentiores.

Alii Cancri efformationis instituendæ & explicandæ gratiâ vanam & peculiarem hepatis admittebant syncrasim, quod ad spissum limosumque sanguinem gignendum existimabant idoneum; putabantque splen sanguini depurando impar. Alii in menstribus, fluxu hæmorrhoidali cæterisque excretionibus cohibitis & suppressis causam reponi posse arbitrabantur. Nos verò diversas illorum circa Cancrum sententias flocci facimus, quæ nimirum inter eos rixas foveant, & cum eorum controversiæ non tam citò sint judicandæ, ab illorum opinione eò libentiùs deflectimus, quò vividius & acriùs hypothesim suam quique ratiociniis comprobare nituntur; experimentorum, quibus invicè probaretur eorundem opinio, nequaquam solliciti. Verum enim verò, cum in Medicinâ experimenta sola filum fiat & trames, quorum ope ad abditissimæ morbi naturæ cognitionem adducamur, ulterius progredi tentavimus, & non semel post repetita experimenta, nobis solo remediorum diaphoreticorum, aperientium, incidentium usu Cancrum posse curari, compertum fuit.

## I I I.

**C**ANCER tumor est durus, rotundus, inæqualis, lividus seu plumbeus, plurimis varicosis circumductus vasis. Ferè semper natales debet tumor ille fluidis congestis, quæ circulationis ope lento gradu in quamdam partem advehuntur. Fluida illa in vasis sic aggesta stagnant, in quibusdam tumoris partibus indurantur, & in aliis putrescunt.

Hinc ex hâc utrâque fluidorum in vasis degenerescentiâ seu depravatione, facillè patet in aliâ condensari spiritus, solida coardari, confundi, distrahi & esse quasi diruta, dum in aliâ parte in quâ putredine tabuère fluida, intumescere, extendi, dilatari, nigrescere debent solida.

Hæc autem humorum dissolutio nocivâ & deleteriâ qualitate suâ sæpè sæpiùs sympathicum parit erethismum quem totum admittit genus nervosum, æstuantem scilicet calorem, lancinantes dolores, & tandem saniosum ulcus, corrodens, foetidum, callosis & everfis oris stipatum.

## I V.

**A**D ævum nostrum usque plerique Medici in eo toti fuère, ut multiplici remediorum genere Cancrum debellarent, sed heu! tam gravi morbo devincendo imparium. Vix volumen ea complecteretur, & si hîc ea non recen-



sentur, minimè dolendum est, cum pateat & constet remedia quæ hæcæntis efficacissima habita fuere, nihil aliud esse præter suppurantia, corrosiva, caustica, escharotica, actuale & potentiale cauterium nec-non extirpationem.

Ex maturantibus auxiliis huc usque usurpatis, erethismus, obstructio quandoque augentur, undè ad malignam dissolutionem dispositio. Experimentum causticorum, corrosivorum ope tentatum paritèr fuit irritum, & suppuratione multò periculosius. Ad operationem demùm tanquàm ad sacram anchoram confugere, at verò eam ferè semper incassum fuisse institutam compertissimum est; præsertim si Canceri verus sit adhæsiō & tumor non sit circumscriptus. Hæc omnia mala etiàm potissimùm accidunt, cum materiæ resorptione per totum corporis habitum cancrusus affluit & diffunditur humor, vel si æger atrophus, flavus sit cutis color, & si in diversis corporis partibus polyposæ adsint concretiones. A doctissimis Medicis, sicuti à nobis improbara fuere istius modi medicamina, ut aperientium & incidentium admitterent usum; at ea brevi rejecere, quòd nimirum in cancruso tumore procrearent inflammationem, dùm inflammatio sola sit via quâ facilius & tutius posset ille tumor dirui.

## V.

**O**PERATIONEM solum esse tutum ac certissimum adversus adeò tetrum horrendumque morbum præsidium censent plerique Chirugi.

Ut operationis fautorum deleatur opinio, sufficiet hic referre scripta clarissimi Monro. Affirmat Author ille ex sexaginta foeminis quibus extirpatus fuerat cancer, quatuor tantum ad sanitatem fuisse restitutas. Hujusce Scholæ Medici \* clarissimi observationes nostram confirmant sententiam. Vidit exemplum foeminæ cujusdam cancro laborantis quæ solis naturæ viribus fuit sanata; hinc animo sibi finxit eosdem forsan posse procreari effectus eosdemque ope remediorum attenuantium obtineri successus. Sic inquit, ab eâ vocatus fui non ad eam planè curandam, sed tantum ad illos quibus cruciabatur dolores sedandos quandoque pulverem viperarum, asellos, & radices aperientes usurpando, mammarum tumores discussi. Tunc citrà ullam spem sanationis illa præscripti remedia. Ex usu eorum per viginti & unum diem continuato peculiare prodit phænomenon, erysipelatoza scilicet inflammatio quâ sinistrum affectum fuit latus. Mirum in modum accrevit erysipelas, major in cancruso tumore evasit inflammatio, tunc cancrusus se protulit odor, qui auctam indicavit putrefactionem, quæque in veram gangrænâ fuit conversa.

Interea ægrota strictam sedulò servavit diætâ & eadem remedia indefinenter assumpsit donec tandem circumductus cancer die vigesima-primâ decidit. Quoad ulcus quod sedulò animadverti, omninò & ritè fuit detersum curatumque cum terebinthinâ & ovorum vitellis; tandem ex morbo tam molesto ad sanitatem fuit revocata. Plurimæ aliæ foeminæ quarum historiam hic referre longius foret, eorundem remediorum ope convaluerunt; nullasque unquàm passæ sunt recidivas. Febris quam excipit erysipelas quæque non remittitur, nisi post escharæ prolapsum videtur cancrusi parere attenuationem vitii in massâ sanguinæam reflui, quæque illud tandem destruit, perindè ac febris hydrargyrica in lue venerea. Præterea radices omnes absumit, evellit & eas in escharam reducit, ac proinde nequaquam metuenda est recidiva. Sæpius dictum fuit nec immeritò

\* M. Goules de la Motte.



4  
tandiu schirrosa non movetur materies, illius non tentandam esse solutionem,  
contrà verò cavendum esse ne ad inflammationem vergat.

Itaque conclusio nostra degeneratum duntaxat spectat schirrum, cujus massa  
futuram aut præsentem portendit suppurationem, cujusque materia suppurata suo  
in massam sanguineam refluxu eundem lue cancroſâ jam inquinavit, aut saltem  
jamjam est inquinatura. Arbitramur & contendimus prudentis esse Medici illius  
inflammationem & conversionem in escharam gangrænosam quâ destruatür &  
deleatur cancer, provocare.

*Ergò Cancri curatio remediis attenuantibus tentanda.*

### DOMINI DOCTORES DISPUTATURI.

M. Franc.-Nicolaus SIMONET, in Senatu Patronus, rei Her- bariæ, Professor designatus, pro anno 1784-5.	M. Edmundus - Joachinus BOURDOIS DE LA MOTTE.	M. Anna-Claudius DORIGNY.
M. Franciscus DOUBLET, in Senatu Patronus, Scholarum Professor.	M. Michael-Franciscus DE LA PLANCHE, Bibliothecæ Præ- fatus, pro annis 1784-6, designatus.	M. Ludovicus-Joannes-Baptista GOSNIER.
M. Thussanus-Claudius-Nicol. NAVIER, Academiæ Caba- launensis Socius.	M. Cristophorus-Nicolaus DE JUSSIEU.	M. Petrus-Augustinus ADET.

Proponebat Parisiis JOANNES-JOSEPHUS GILLE, Leodiensis, Saluberrimæ  
Facultatis Medicinæ Parisiænsis Baccalaureus, Theseos Auctor.

A. R. S. H. 1784.

AB OCTAVA AD MERIDIEM



Typis QUILLAU, Universitatis & Facultatis Medicinæ Typographi. 1784.